

騰越鄉土志

兵事

蜀漢

後主建興三年孟獲內侵諸葛武侯南征五月渡瀘深入不毛曾駐軍於騰遺有鎮兵石城南十里綺羅山後有鎮夷石堆高丈餘云是武侯屯兵處亦曰軍營堆又隴川有寄箭山分水嶺有諸葛城古蹟猶存雖不留兵不運糧仍以以羈縻然自大擒七縱蠻師歸心

騰越鄉土志卷貳

一

網紀粗定夷漢粗安僻壤荒陬漸被王化丞相之天威遠矣南人至今爭立祠祀之

元

至元十四年緬人以金齒千額總管內附惡而攻之欲於騰永間立寨詔遣大理總管段信苴日萬戶忽都等伐騰屬蒲蠻阿昌諸部之未降者是年緬酋蒲甘遣其將釋多羅百級率兵象萬寇騰越段信苴日迎戰於南甸大敗之繼緬酋復入犯招討使怯烈以戰具

資軍士討平之

二十年諸王相谷吾兒右丞太卜叅政也罕
的斤分道擊緬的斤取道於阿昔江造舟二
百艘進拔江頭城斬首萬餘級命都元師元
世安守之圖其形勢遣使詣闕陳攻守之方
隨遣人至緬招降不報諸蠻擄太公城以抗
我師復遣僧往諭為所害遂督軍進擊大破
之緬乃降明年正月金齒十二部皆內附置
郊牙宣慰司於蒲甘城令雲南王率怯烈移

騰越鄉土志卷貳

(二)

鎮緬二十三年招討使張萬也先帖木兒會
會兵討緬越次年緬平

大德五年七月征緬以高慶察罕不花二人
受賄賂首倡班師還至半道為金齒諸蠻所
阻士卒多傷亡詔遣薛超兀兒移兵討之無
功九月免薛為庶人並治高罕二人私通敵
人罪功多有厚賞不迪有顯戮軍法之嚴固
應爾也

明

洪武十五年二月西平侯沐英及藍玉等分兵定騰十六年六月麓川夷思可叛為知府高泰高惠並也先虎都所搆也二十一年麓川恩倫糾合緬酋刀思即入寇沐英遣都指揮揮甯正擊敗之三月思倫等復悉眾來號稱三十萬戰象百餘犯定邊英自將精銳二萬率部下馮誠湯詒諸將往討之俘萬餘人斬首三千級生獲象四十七復以火銃神機

騰越鄉土志卷貳

三

箭斃象多支渠帥刀思即死餘党遁

二十九年思倫侵緬甸宣慰卜喇即請救於朝命行人李思聰錢古訓持詔往諭思倫悔罪願入貢內附明年九月為厲刀幹孟攻遂奔訖京師蒙恤賞遣令歸詔沐英子沐春為將軍以何福徐凱副之往討幹孟先使人傳諭令詣金齒迎思倫不從乃命何福等直持南甸破景罕寨復擊崆峒寨幹孟填而乞降上以其反覆弗許何福擒斬之思倫還夫麓

騰越鄉土誌卷貳

四

川之役沐氏戰功卓著父子齊名可謂偉矣
正統二年思倫子思任反侵孟定灣甸等處
蓋其思倫內附奏為宣慰司宣德時與木邦
仇殺乃奪官而以孟養代刀氏思任銜之乘
刀賓玉勢弱遂據故地以叛命沐晟遣官招
之不奉詔因置三土府二州五長官司及騰
衝千戶所扼要以禦之三府為木邦孟養孟
定二州為鎮遠鎮威五長官司則干崖灣甸
潞江大侯者樂是也其所以備任發者至矣

三年十二月思任掠騰衝南甸孟養刀賓玉
走死永昌任遂屠騰據潞江沿刑部主事楊
竄往諭不服四年正月詔沐晟率昂方政討
之任詐降晟信之竄諫不聽中賊伏方政戰
歿晟回至楚雄仰葑死五月以昂為征南將
軍右都督吳亮副之馬翔張榮為叅將進討
任復騰衝越明年二月軍抵隴把張榮違制
敗遁詔責昂並逮亮翔七月昂敗思任於孟
羅官軍之威始振焉

六年思任遣使謝罪太監王振力主討乃命蔣
貴為征南將軍兵部尚書王驥提督軍務王驥
三征麓川自此始十一月與監軍太監曹吉祥
督餉侍郎曹晞叅贊楊彞等率兵十五萬分三
道進征大破賊於杉木籠山復於馬鞍山破其
象陣思任竄緬其子思機匿孟養驥移兵討之
七年班師論功封蔣貴定西侯王驥靖遠伯餘
升擢邊功雖由此賞而兵禍亦從此連矣
八年二月王驥以思任復亂率兵再征行至金

騰越鄉土誌貳卷

五

齒分兵進擣麓川傳檄緬甸令獻思任父子使
使還言須得重臣往取郭登請行入緬緬酋
卜喇浪來會甚驕傲無獻意登折之始俯首
如約登還報有嫉登功者議留登守沙填及
遣其相緬喇劄以船載思任來至貢章不見
登疑懼未獻驥裨將陳儀進言乘緬不備攻
之可得志驥密令蔣貴襲擊劄劄覺竟持思
任去貴子雄尾追兵敗自刎驥旋仍以捷聞
九年參贊楊彞巡撫雲南欲得思任而甘心

遣使約緬以孟養地易任卜刺浪喜乃誘殺
任丞首來獻遂以浪長子銀超奔為孟養宣
慰而任子思機思尚仍潛居養地十年十月
楊竄築土城於騰衝十一年改麓川為隴川
以夷目恭靖為宣慰設司隴把勅赦機等罪
令入朝不至機尚據孟養叛十三年王驥復
征麓川大破之機尚失所在夷象奉任子思
洪為主願永當差發驥乃旋師教諭詹英劾
驥老師賈財濫膺爵賞亦可稱不畏強禦矣

騰越鄉土誌卷貳

六

景泰二年緬人執思機獻於京萬曆四年金
騰道許天琦檄指揮僉事侯度招撫孟養三
宣諸夷夷眾始去緬內附五年緬酋莽瑞體
作亂招隴川多士竄同反士竄不從岳鳳殺
之以應瑞體竄妻子均被害遂據隴川瑞遣
其子應裏喇鮪分戍隴干自攻迺西即孟養別名
土官思箇告急副使羅汝芳調兵擊走之七
年瑞體復來侵殺思箇永昌知府嚴時泰衛
指揮王訓奉命往諭不聽十年莽應犯姚關

緬之擾邊非一次也

十一年賊復陷干崖盧達等處殺指揮千戶
六人巡撫劉世增巡按董裕會疏請兵以叅
將鄧子龍劉綎提兵剿辦應裏合孟養孟密
蠻莫隴川車里八百等象姚闕子龍於板枝
花地大破之劉綎每戰克捷出隴川抵阿瓦
諸頭目望風乞降越二年綎遭讒議改臨沅
錫波等夷復叛投緬十六年九月緬兵犯孟
密子龍思化思豪於蠻莫漆文昌奉巡撫蕭

騰越御土誌卷貳

七

彥命單騎往撫化豪皆聽令十九年應裏破
猛拱猛廣又圍蠻莫攻迤西子龍均擊敗之
劉綎之功於是乎著

二十一年十二月莽應裏又入寇巡撫陳用
賓至永昌遣王一麟盧承爵出剿多所斬獲
又命余懋學募閩廣人黃襲使暹羅令襲緬
復計斬土酋多掩緬退去次年檄同知漆文
昌叅將吳顯忠擇沿邊要害築八閩二堡以
禦緬嗣猛卯酋多亨勾緬構亂用賓檄木邦

罕欽滅之築平麓城開二十二屯三十三年
用賓遣副將陳寅復蠻莫擒緬酋多罕三十
八年隴川多安叛入緬巡撫周嘉謨檄兵備
道黃文炳追擊之立其弟安靖以撫隴川邊
患稍息

國朝

順治元年甲申孫可望遣偽總兵楊武擾騰
八年以鈞賦愆期之故遣偽都督王復臣殺
干崖土司刀鎖國並致仕土司刀定遠隴川

騰越鄉土誌卷貳

八

土司多安靖十六年己亥大兵抵滇故明沐
國公天波等奉其主桂王至騰李定國集兵
樹柵於磨盤山死拒我師我師吳三桂趙布
太力戰破之桂王走緬遂克騰越南甸刀呈
祥干崖刀建勳隴川多紹舜蓋達刀思韜等
先
光後歸附明年三桂奏准仍給各土司宣撫
印副使世襲十八年李定國攻緬其酋請救
吳三桂發騰永兵五十送應之十一月定西
將軍公爰星阿同吳三桂領滿漢軍入緬追

白文選於茶山降之

康熙壬寅元年正月師次緬緬俱乃誘明宗室
吉王松滋王瑞昌王及沐天波等數百人從
匡宮眷殉難者遂獻永曆爰星阿還雲南議
送永曆至京三桂以道迷不便縊永曆及子
於昆明李定國聞變躄踊號哭自撞於地百
十次遂不食死於景線馬思良等以其子嗣
興及劉文秀子震來降十二年吳三桂反改
元周僭號八年夫二桂為明臣既窮進永曆

騰越鄉土誌卷貳

九

又倡縊之更謀叛逆不忠於明又不忠於我
朝其罪擢髮數矣

乾隆三十一年緬人犯邊侵入銅壁關總督
楊應琚檄提督李時升永北鎮總兵朱崙東
川營叅將哈國興往鐵壁關拒之方安營間
緬驅數萬人蜂擁至國興率東昭兵九百人
乘高據柵禦之賊近則開槍以擊發無不中
鏖戰四晝夜緬遁去次年國興復從將軍明
瑞討緬大破之於蠻結將次阿瓦額爾登額

不赴援明瑞及叅贊觀音保珠魯納總兵李
全死之三十四年經畧大學士忠勇公傅恆
副將軍阿桂阿里衮再討緬緬降後孟頽遣
頭目齎金葉表文及金塔馴象等物款關入
貢願世稱藩乃

封為緬甸國王

嘉慶十六年春羅卜絲庄野匪騷擾沿邊焚
掠村寨總兵李東山同知高孝植親往勦辦
檄調土司練目協平之十八年冬野匪復擾

騰越鄉土誌卷貳

十

邊界自南甸至幫中沙垵皆被焚掠總兵成
文西道高祿總督伯麟提督雙林檄由馬鹿
塘筋竹寨進勦殲厥渠魁餘寇悉平

道光十七年野匪余小七燒殺滇灘等處札
委練目左大雄許登成董大文平之明年熊
家山野匪早備等大肆搶劫燒殺蓋西仍命
左大雄率兵之緣雄之威名素為野匪所畏
服故耳

二十一年秋南甸土司刀宏諸謀反縱其弟

承緒掠河西弄煥田毆斃田戶周文廣紳民
控廳抗不赴調十月承緒又糾刀三用等掠
曩闖民田並劫搶官倉闖人具報官不能理
令赴懇永昌知府彭舒等親至騰收刀承緒
禁錮之並計掣宏緒及老印婦解永旋送省
監押後為地棍李四銅錘蒙混保釋二十三
年承緒邀結永司管布黑等率兇犯河西
明郎蕭家庄先後燒民村九十寨總督阿桂
至永檄東道周澍會同提督汪道成騰越鎮

騰越鄉土誌卷貳

十一

世泰永昌府陳相生直抵南甸克猛來承緒
竄匿隴川令經歷馬偉堂追擒之解滇凌遲
死南甸乃平

咸豐六年丙辰八月逆首杜文秀陷大理自
稱兵馬大元帥騰越回匪暗與勾通地方驚
惶趙聯城李枝培等集眾結盟欲先舉事時
謠言紛起紳士劉晉康明清寵等奉示諭禁
不能息十月初三日無端哄市是夜趙聯城
約舉火為號燒新生邑空房一間沿途呼殺

回匪逆齊集東門口相拒鄉兵圍攻急匪於
次午逃馬家村翌日近燒龍江各寨同時烏
索賊亦起總兵明慶同知王秀毓會委都司
陳尚德及趙聯城率漢土兵練共五六千人
攻馬家村大水塘飭撫夷孟學鄒等統兵千
餘攻烏索

七年四月賊党馬元喜由杉木籠帶回兵百
餘名潛至馬家村連日與漢兵接戰勇悍異
常破漢營九十六座烏索賊破諸山野夷燒

騰越鄉土誌卷貳

十一

大西緬箬古永茅處來攻漢家營三日不下
後風雷大作鄉團乘勢奮擊匪乃遁明年賊
據小西核桃園焚燒不山脚一帶飽掠而去
馬家村賊破綺比踞之同知王秀毓親率練
勇往攻賊退十二月賊寇馬元海結連南甸
夷匪占據長寨舉人尹藝督河西鄉團擊走
之次年馬家村賊破曩宋閣攻河西等村烏
賊占據兩散荷花池背被練目尹天賜一
所敗

十年四月同知王秀毓卒明慶獨裁務十二月烏索賊攻緬菁明即清水等處焚掠無遺十一年復據荷花池破朗蒲寨馬家村賊據瞿家營會烏索賊攻南甸不克遂燒栗柴墳沙墳六月二十三日賊陷永昌城預使人來城招降八月賊魁蔡七二令其党安從貴布萬全等由上江入騰蔣相士趙純襄郭景汾等拒之於曲石殺賊目馬六弓腰是年九月偽大將軍馬興堂馬國璽等將入

騰越鄉土誌卷貳

十三

犯騰司獄張紹平先期聞報詣鎮廳陳戰守策弗聽乃痛哭回署全家殉節城遂陷蔡七二繼至殺舉人李含英金澤等勒派投誠銀數十萬壯丁萬餘毀各處牆垣碉堡遠即遭戮於是劉光煥李珍等退保古永菁口蔣相士趙純襄退保大西十一月蔡七二率悍賊進攻菁口圍之數重練自洪應治柴生藻等置大礮轟斃蔡七二賊幾為潰後圍攻如故同治元年六月賊圍菁口劉光煥堅守之日

久不下糧盡始相約撤兵七月馬國璽與馬
匾四在城互門居民概遭搶劫復被趕出城
繼而諸賊分道出侵白煥如據蓋西馬連二
擾十崖蓋達馬匾四馬七猴據猛蚌段家營
侯家營等村寨三年馬興堂同偽司寇李芳
圍攻十崖蓋達至邦巴李珍國分營擊退之
先是珍國於城陷後退至十崖約蔭襲刀猷
廷聯絡各土司抗守南甸茂福等處阻賊要
路而置其眷口於舊城賊偵知舊城空虛遂

騰越御志卷貳

十四

於蒲高逸道襲破之珍國妻楊及幼子占鼇
均被賊執賊誘氏致書珍國停戈通商氏給
以軒瓦河邊一會至則大呼珍國曰吾母子
得死所矣君其殺賊立功勿相念言畢即欲
投河賊恚而殺之有人乘亂將其子竊換去
承平後為完家室嗣來永興珍國滴血相認
父子團圓人以為珍國忠勇之報云
四年偽綏遠將軍僂光美車騎將軍馬年五
來騰任意苛派時米價昂貴每升錢二百四

十文餓草滿路冬月柳鐵三串諸山野茂合
馬家村賊攻緬箐大村劉光瑛李珍國等大
敗之明年偽司空李國綸至騰復發兵攻打
互有傷亡賊移兵攻河西蠻東不克六年偽
遠將軍堵張玉泰抵大西鴉烏山圍攻豐盛
營張運鴻力拒之又攻阿白馬站定山等處
皆被擊退
七年劉光瑛李珍國蔣相士等合兵攻城李
國綸調賊死守十一年巡撫岑毓英檄騰越

騰越御土誌卷貳

十五

鎮李維述提督銜徐聯魁游擊王誠同知林
桂清率兵進勦王誠先至力攻馬家村賊巢
將破賊聞李維述軍到乃詣降官運進圍騰
城十二年五月初五日徐聯魁李維述及同
知吳啟亮等軍用地礮轟倒城垣三隅遂克
騰李國綸走烏索九月徐聯魁署騰越鎮興
總兵蔣宗漢游擊丁槐同知吳啟亮等統大
兵攻烏索

十三年四月初四日發地雷破烏索李國綸

竄據雲峯山徐聯魁等率兵追勦練目楊春
榮擒柳鐵三來獻立斬之李國綸仍墜崖道
走後潛入龍江欲劫騰餉游真丁槐於黑山
門擒斬之時七月初四日也先是丁槐父游
擊丁奉章守永北城與李國綸兵戰經年因
糧盡援絕於同治三年七月初四日殉難乃
閱十年之後同月同擒斬國綸子報父仇亦
天道之巧也

光緒二年月駐防蘇開先以索餉未遂竟反

騰越鄉土誌卷貳

十六

掠廳署占藥局倉房執同知周維英總兵段
瑞梅倉皇逃避適有王妖道在蓋達煽結夷
匪數百陰與蘇逆合謀襲取南甸遂入騰城
共據之五月十二日破和順鄉肆行搶奪時
副將丁槐既定永昌逆党李潮之亂得報星
夜赴援十三日抵騰先克和順次日大賊敗
於油街坡遂復街保部將王益鎰率馬隊直
逼城下為砲所中死之槐怒選精銳圍攻城
破附郭賊碉莫賊勢蹙會提督楊玉科駐節

永昌遣前總兵蔣宗漢來騰助勦六月十七日城復練首楊春榮等擒蘇王二逆獻軍前俱正法

十年冬蓋達氏變結奸徒楊大武等燒土司署與新街游匪金悃裕互相聲援左營都司袁善不能禁同知吳晴琦會商總兵張松林同署中營游擊李珍國偕往招撫又計誘金悃裕等使自相攻擊皆予之金悃裕之占據新街緬國起多兵來伐屢為金敗英人窺知

騰越御土誌

十七

緬兵極弱遂於十一年十月率兵佔踞緬甸十二年調署騰越鎮古州鎮總兵丁槐以蓋達土司刀思鴻祚暴虐夷不堪命乃乘巡邊之便委隨員經歷陳文緯誘執之擊諸獄使其族目刀思必治權攝司事後鴻祚斃獄中其党睿思眼等聚眾構衅竊據夷寨千餘處屢諭不服十一月丁槐親往安撫該党中途截擊乃進兵攻之斬賊數百人三日內盡復各寨殲除首要解散脇從群夷由此畏服

十三年四月蓋西土目孟正泰與南甸爭產
互鬥蹂躪地方迤西道許繼衡總兵丁槐會
李府經歷陳文緯都司殷廷貴馳往解散同
知陳宗海親至蓋西跣勘田土除畷劃給孟族
養膳外將所占屯庄民田暨土司屬寨分別
發還並移建汛署於團坡新寨且擇要安卡
以資防禦而刁孟數十年之衅端自此始息
十四年正月蓋西夷目恩三串諸山野夷肇
亂戕團紳段輔忠林開楠郭文周止那撫夷

騰越鄉土誌卷貳

八

史相衛乘勢進踞團坡逼攻汛署中軍游擊
馬中級都司汪永府經歷陳文緯奉鎮廳委
先帶兵馳勦同知陳宗海復調土司刀定團
撫夷金顯順吳大美各率土兵練勇隨同親
往會辦旋將團坡克復賊退踞崩董扼險死
拒馬中級等攻破之擒斬野匪二百餘人遠
近野夷俱畏威求撫願具結投誠不敢再持
刀槍下坝因設巡練一百名以驚蠢動蓋西
平

十八年妖僧們朵腊由緬甸潛入腊撒境於
蠻旦寨建屋棲止日以妖術惑人歛錢聚衆
七月復四出煽誘嘯集野匪千有餘人謀為
不軌總兵張松林聞報親率官軍馳往勦辦
擒首斬要解散脇從署騰越廳景東直隸同知
黃炳堃復往安撫事遂平

原存接下頁

騰越鄉土誌卷貳

十九

二十八年滇灘隘獠匪胡長脖子浪游蓋西
昔馬各處回隘後布散謠言訖云獠獠中近
出一王衆宜力輔即串同樹灣坡豆二狗余
新保等於二月十五日率獠匪六百人肇亂
焚燒麻栗坝村寨總兵張松林會商同知葉
如相委員前赴查辦張松林親往督攻大敗
之獠匪竄入河西投偽王去訖先是河西余
大潛稱獠獠王其子余二稱軍師書符傳誘
聚野匪一千五百餘人遂於二月二十三、四

騰越鄉土誌卷貳

二十

五等日攻頗草坝中山鹿場等寨同知葉
如相復委員隨同總兵張松林往勦平之
三十一年二月隴川猛卯兩土司構衅野夷
乘時糾合衆號四五千互相焚掠各有殺傷
猛卯夷匪進燒隴屬章鳳街槍斃綏邊營哨
弁張炳南勢甚猖獗調署騰越鎮安義鎮總
兵李寶書會商迤西道關以鏞札委騰永後
營管帶趙紹雲南甸土司刀定國前往彈壓
復會同騰越廳葉如相親臨查辦飭令兩土
司按照夷俗將所燒村寨各估計賠償並勘

明界址永遠遵守不准越界侵擾逮挑衅土
幕趙秉和趙邦欽緝私營哨弁劉廷美於獄
分別監禁隴猛平夫以兩土司地連英緬辦
理稍有不善易釀交涉之案今幸鎮廳直擣
叩城宣布威德銷患無形其事雖撫其功則
勝於勦矣

騰越鄉土誌卷貳

三十一

